

Tajuk : ICT Nyadi Pelasar Pengidup Rayat Pintar.

# ICT nyadi pelasar pengidup rayat pintar

KUCHING: Teknologi komputer dikarapka ulih nyadi medium pemadu manah ba tikas global kemaya hari tu sereta dikena nge-mansangka rayat pintar, ku Datuk Bandar Dewan Bandaraya Kuching Utara (DBKU), Datuk Abang Abdul Wahap Abang Julai.

Iya madahka, rayat patut dibekal enggau teknologi pemadah sereta penemu enggau pengelandik ba pengawa kitai ngangkatka tikas pemansang menua tu ari mayuh bengkah aspek.

"Kitai shari tu mesti dibekal enggau semua penemu senentang teknologi pemadah dikena kitai ngangkatka tikas dagang, pengawa perintah enggau rayat ngambika dikena napi peluang enggau mayuh bengkah aspek pengidup dudi hari ila," ku iya.

Iya mansutka jaku munyi nya ba Pengerami Bejadi Aum Besai Entarabansa Ke-4 'Perkomputeran dan Maklumat 2013' (ICOCI 2013) ba Hotel Merdeka Palace bedau lama (Hari Tiga).

Taja pia, Wahap madahka, pengawa nyikap diri enggau penemu sereta pengelandik nya entara pengawa ke pemadu besai ke ditapi dikena nentuka dunya tu endur ke selamat.

"Kemaya hari tu, rayat di searata dunya endang udah num-

buhka komuniti ranting global ngena ICT.

"Tu pekara ke selalu bisi nyadi ke alai rayat bekunsika pengeridu ke sama sereta penerang dikena nentuka pendiau selamat sereta lantang," ku iya.

Wahap mega madahka, pengelantang pendiau mensia ulih dikedemenahka agi sereta diperansang setipak enggau rambai jaku aum besai tu iya nya, pengelandik komputer nempa pemansang rayat pintar, ke chukup relevan kemaya hari.

Ba senentang pekara tu, iya ngarapka semua penyereta ke bisi enggau ngena aum nya nyadika pelasar berandau sereta bekunsika idea dikena meri penguntung ngagai semua penyereta enggau komuniti di menua tu.

Serebak enggau nya, lebih ari 100 iku penyereta ke nyengkaum bala pelajar entarabansa sama nyereta aum besai ke diatur Universiti Utara Malaysia (UUM) begulai enggau Universiti Malaysia Sarawak (UNIMAS) pengelama tiga hari belabuh ari 28 ngagai 30 Ogos.

Nitihka penerang, aum besai tiga hari nya deka meda 80 iku sida ke bisi nyereta bejuraika pemansang pengawa pansik enggau asil penemu pansik sida kelimpah ari ngatur woksyop.



**NYADIKA PENGINGAT ...** Datuk Abang Abdul Wahap nerima tanda pemeri ari Profesor Madya Dr Huda penguduh bejadi Aum Besai Entarabansa Ke-4 'Perkomputeran dan Maklumat' sereta diperatika Dr Zulikha (tengah) ba Kuching bedau lama (Hari Tiga).

Kelimpah ari nya, dua iku pakar IT ke tebilang ari industri menua tu enggau entarabansa deka deka nyereta sesyen bekunsika penemu enggau idea ari perspektif industri ke bisi disen-

gkaum ba sesi nya.

Sama bisi enggau ba pengeramiu nya mega Dekan Fakulti Perkomputeran UUM, Profesor Madya Dr Huda Ibrahim, Sapit Dekan Penye-

lidikan enggau Siswazah Fakulti Sains Komputer enggau Teknologi Maklumat UNIMAS, Dr Edwin Mit, sereta Chairman Aum Besai ICOCI 2013, Profesor Dr Zulikha Jamaludin.